

*Al Vaint id Tramuntâna e al Sôl*

*I s litighêvn un dë al Vaint id Tramuntâna e al Sôl, ognûn convînt d èser piö fôrt id cl èter, quânt i vdénn un viažadôr, ch'al gnîva avânti tótt incaparlè. I dû litigânt i fónn dal parêr alôra che a srévv stè al piö fôrt chi l avéss cunvînt al viažadôr a cavèris la caparèla d'indòs.*

*Al Vaint id Tramuntâna al cminzé a supîêr ala grânda, ma piö al supîêva piö al viažadôr al si strichêva ind la caparèla, tânt che ala fin al pôver Vaint ag tuché d arnunzièr ala sô idëa. Al Sôl, alôra, as mustré ind al zîl, e dâpp a pôc al viažadôr, che al sintîva chèld, as cavé la caparèla. E la Tramuntâna la fó custratta ad arcgnósser che al Sôl l îra méi ed lâ.*

*T êla piàsûda la sturièla? La vlamma turnèr a cuntèr?*